

民國三十三年四月

中國國民黨簡史初稿

中央黨部編纂室
中央訓練團

凡例

- 一、本史以扼要概述本黨大事為主，其限斷自興中會起，迄於廢止不平等條約。
- 二、本史以本黨迭次重要宣言及決議案爲幹，以各時期革命事實行動附之。
- 三、本史着重記事，非極關重要者之姓名，概不備載。
- 四、本史繫年，係以民國紀元爲標準，在民國成立前者，稱民國紀元前幾年，附註滿清紀年於下。在成立後者，稱民國幾年，均附註西曆於下，以便檢閱。除本黨最重要事件外，概繫月不繫日，在民國成立前者，依照舊曆，成立後者，依照國曆。
- 五、本史倉卒編成，必有錯漏之處。客俟再版修正。

中國國民黨簡史初稿

凡例

凡屬同志
皆可修正

中國國民黨簡史初稿 目次

弁言

第一章 興中會時期

第一節 總理革命之由來

第二節 興中會之正式成立

第三節 興中會成立後革命運動之開展

第二章 中國同盟會時期

第一節 中國同盟會之成立

第二節 中國同盟會成立後革命之起伏

第三節 辛亥光復與民國成立

中國國民黨簡史初稿 目次

第三章 國民黨時期

- 第一節 國民黨之成立
- 第二節 袁氏叛國與二次革命

第四章 中華革命黨時期

- 第一節 中華革命黨之成立
- 第二節 討袁與護法

第五章 中國國民黨時期

- 第一節 中國國民黨之成立
- 第二節 以黨建國
- 第三節 改組與容共
- 第四節 黨軍之創立與北伐
- 第五節 清黨與全國統一
- 第六節 實施訓政與清室降礙

第七節 全面抗戰與領土制之恢復

第八節 抗戰期間之建國工作

第九節 廢除不平等條約之實現

結 論

中國國民黨簡史初稿

目次

中國國民黨簡史初稿

弁言

本黨肇端於興中會，漸盛於中國同盟會，經十八年之奮鬥，而推翻帝制，建設民國。嗣遞嬗改組，歷國民黨、中華革命黨而至中國國民黨。組織益密，規模益大，經十七年之奮鬥而完成北伐，統一全國。自是以來，銳意建設，力圖自強。及日本大舉入寇，乃發動全面抗戰，倡導全世界反侵略戰爭。又經十五年之奮鬥，而我中華民族英勇偉大，不可侵犯之特性與潛能，始彪炳於世界。英美諸友邦遂與我同心協力，一致抵抗侵略國之強暴，而並肩作戰。復自動撤銷在華特權，締結互惠新約，自與中會發動革命以迄於茲，實閱五十年。

在此五十年中，革命工作，險阻艱難，迭遭挫折。總理以先知先覺領導於先。

總裁以英明仁武繼承於後。諸先烈先進，又皆發揚蹈厲。凡其義憤所在，精誠所貫，在在可泣可歌。其終始不渝之宗旨，實為保障獨立自由平等，以三民主義為目的，依據建國大綱、建國方略，努力進行。故一舉一動關係中國者固鉅，影響於全世界者亦甚大。全國同胞，對本黨固須有更深刻之認識。而世界各國既與我中國同一立場、同一戰線，

對於本黨期望之殷，而欲了解其歷史，亦必急切。因將本黨五十年來革命之產生，奮鬥之經過，與夫主義之真諦，作簡單扼要之敘述。當此國際方殷，本黨領導全國民衆，致力於抗戰建國之二大義務。仍須循此邁進，完成全世界反侵略戰爭之大功，保障全人類永久和平，庶大同光輝普照之日，即本黨革命使命完成之時。

至於總理創業垂統之大烈耿光，總裁丕顯丕承之嘉謨嘉猷，以及各先烈先進經邦緯國之偉績，致命遂志之奇節，詳細記述，自有本黨詳史在。

第一章 興中會時期

第一節 總理革命之由來

中華民族建國於亞洲大陸，綿延五千年之久，人口繁衆，佔世界上四分之一。自黃帝以後，聖哲代興，文明進化，及至孔子集諸聖哲之大成，倡湯武革命、順天應人之說，并述禮運大同一章，揭示社會最高理想。其詞曰：

「大道之行也，天下爲公。選賢與能，講信修睦。故人不獨親其親，不獨子其子。使老有所終，壯有所用，幼有所長，鰥寡孤獨廢疾者皆有所養。男有分，女有歸；貨惡其棄於地，也不必藏於己；力惡其不出於身也，不必爲己；是故謀閉而不興，盜竊亂賊而不作，故外戶而不閉，是謂大同。」

足見中國^{緒華}十年前，已孕育民族、民權、民生之意識。其立國之大道，不僅求國家民族之生存與發展，且努力實現天下爲公，造於大同，爲古今政治之最高鵠的。

自滿清乘中國內亂之際，以一小部落民族入據中華，藉專制政體之權威，用一面殘殺、一面奴化之政策，統治異族，對漢族之壓迫尤甚。中葉以後政治解紐，國防廢弛，土崩瓦解之勢已成。在此時期，國外列強紛至侵略。自中英鴉片戰爭而訂立南京條約起，種種不平等待約，有加無已，國恥日甚。以言內政，則腐敗黑暗，人民怨憤愁苦，至於忍無可忍。洪秀全遂於紀元前六十二年（滿清道光三十年西歷一八五〇年）起義革命，由廣西發展至長江流域，建立太平天國，恢復中國十六省，幾至於顛覆滿清。卒以崇信天父天兄，違反中國文化精神，兼之內部自起分裂，於紀元前四十八年（滿清同治三年西歷一八六四年）完全失敗。本黨總理孫中山先生，即於太平天國亡後之第二年（滿清同治五年西歷一八六六年），誕生於廣東香山（即今中山縣）。少讀中國經史，深明堯、舜、禹、湯、文、武、周公、孔子之正統大道，并受明季遺老黃梨洲、顧亭林、王船山諸先生民族思想之影響，慨然有繼往開來之志。廣東爲洪秀全故鄉，幼即厭聞太平天國革命遺事，兼以地域接近外洋，輸入西方文明獨早，先後肄業於檀香山香港。紀元前二十七年（滿清光緒十一年西歷一八八五年）中法戰爭停止，承賜安南歸法保護，聞者譁然。總理念非推翻滿清、創建民國，不足以救亡圖存。紀元前二十六年（滿清

光緒十二年西歷一八八六年，總理轉學廣州。同學有鄭士良者，豪俠尚義，於兩廣秘密會黨，結納甚衆。——會黨者，係明末遺老以民族思想組織所留遺潛伏下層社會，以反清復明爲宗旨者也。總理與談革命，志同道合，士良且許他日有事，舉會黨以聽指揮。紀元前二十五年（滿清光緒十三年西歷一八八七年）轉學香港西醫書院，至紀元前二十年（滿清光緒十八年西歷一八九二年）畢業。在此六年中，藉學校爲鼓吹革命之地，結交同志日多，其最密者，爲陳少白、尤列、楊鶴齡三人。總理既畢業，遂懸壺澳門、廣州等處，藉醫術爲入世之媒，并在澳門籌設興中會，以傾覆滿清爲本旨。士良、少白等屢往港澳密籌革命進行事宜。惟當時士大夫受奴化已深，且醉心功名，蒙昧無遠見。除少數先知先覺外，從者寥寥。爲減少革命進行之阻礙，對外故未作鮮明之表示。紀元前十八年（滿清光緒二十年西歷一八九四年）中日構兵，爲窺清廷虛實計，遂偕陸皓東北遊京津，便道寓李鴻章條陳意見。以「人盡其才，地盡其利，物盡其用，貨暢其流」爲救國要務。旋即溯江而至湖北武漢，隨處默察山川形勢，及民間情況。既返粵，卽出國而至檀香山。

第二節 興中會之正式成立

總理抵檀香山時，中日戰事方殷，而清廷之海陸軍漸見不支，勝敗之局已決。威國難之無已，革命更不容緩。實有成立正式團體、加強革命進行中心之必要。蓋於紀

元前十八年秋聯絡華僑正式成立興中會。總理被舉爲會長，發表宣言。略曰：

「中國積弱非一日矣，上則因循苟且，粉飾虛張；下則蒙昧無知，鮮能遠慮。近之辱國喪師，窮藩壓境。堂堂華夏，不齒於鄰邦，文物冠裳，被輕於異族。有志之士，能無撫膺。夫以四百兆蒼生之衆，數萬里土地之饒，固可發奮爲雄，無敵於天下。乃以庸奴誤國，荼毒蒼生，一蹶不振，如斯之極，方今強鄰環列，虎視鷹瞵，久垂涎於中華五金之富，物產之饒，蠶食鯨吞，已效尤而踵接，瓜分豆剖，實堪慮於目前。有心人不禁大聲疾呼，亟拯斯民於水火，切扶大廈之將傾，用特集會衆以興中，協賢豪而共濟。紓此時艱，奠我中夏。仰諸同志，盡自勉旃。」

並訂規約，以資信守。

是年冬，總理返香港。擴大組織，成立幹部，其會員宣誓詞曰：

「驅除鞑虜，恢復中國，創立合衆政府，倘有二心，神明鑒察。」

又發表章程，其首略云：

「本會之設，專爲聯絡中外有志華人，講求富強之學，以振興中華，維持國體起見。蓋中國今日，政治日非，網維日壞；強隣輕侮百姓。其原因皆由衆心不一，祇圖目前之私，不顧長久大局。不思中國爲人分裂，則子子孫孫世爲奴隸，身家性命且不保乎。急莫急於此，私莫私於此。而舉國憤憤，無人悟之，無人挽之，此禍

豈能倖免！倘不及早維持，乘時發奮，則數千年聲名文物之邦，累世代冠裳禮義之族，從此淪亡，而茲泯滅。是誰之咎？曷時賢者，能無責乎？故特聯絡四方賢才志士，切實講求，——當今富國強兵之學，化民成俗之經。力爲推廣，屢諭愚蒙，務使舉國之人，皆能通曉。聯智愚爲一心，合遐邇爲一體，羣策羣力，遠大投艱，則中國雖危，庶可挽救。所謂「民爲邦本，本固邦寧」云云……」

第三節 興中會成立後革命運動之開展

興中會幹部成立後，又在廣州別設機關，聯絡官黨，以厚勢力。時清廷以戰敗國與日本簽訂馬關條約，割讓台灣，確認朝鮮爲獨立國。日本軍閥對中國之蔑視，獨霸亞洲之野心由此起。而粵督李瀚章尤貪污橫暴，民怨沸騰。

總理遂毅然乘機發動革命，決定取廣州作根據地，採用陸皓東所創製之青天白日旗，一面在香港招募三千人，教練成軍。尅期於紀元前十七年（滿清光緒二十一年西歷一八九五年）九月九日發難。運動廣州附近之防營水師皆有成約，擬以留港三千人及防營爲中軍，汕頭一帶之會黨爲左翼，西江、北江之會黨爲右翼，分由東江、西江進攻廣州。準備就緒，不意港軍未及運省，而消息外漏，廣州機關被破。由港運省之槍械被截，清吏戒備益嚴。起事計劃，全歸失敗。

營事機敗露，總理尙在省垣，從容處理諸事畢，方從間道赴香港。陳皓東等被逮退難，——皓東廣東香山人，爲人沈勇，總理許爲命世英才。總理赴檀香山組興中會，皓東在港粵進行革命。尋入興中會。至是直認排滿革命不諱。並索筆自書供詞，慷慨就義，年二十九。是爲總理第一次革命失敗。

廣州失敗後，總理偕鄧士良、陳少白東渡日本，成立橫濱興中分會。旋赴檀香山，再由檀香山赴美運動華僑。將赴英國。先是，清廷命駐英美使臣，密切注意總理行蹤，及總理抵倫敦，被清使誘入使館，重鍵嚴守，幾被解運回國。幸其師英人康德黎營救得免，時爲紀元前十六年（滿清光緒二十二年西歷一八九六年）十月，被禁已十二日，事詳總理所著倫敦蒙難記。

總理既脫險，卽乘機留歐考察各國政治風俗，並結交其朝野賢傑，深覺僑事政治革命，猶不足解決國家社會危機。因對於中國之民生問題，亦思一舉而解決之。博采衆說，定爲民生主義與民族、民權兩主義，同爲革命目標，於是三民主義以立。紀元前十五年（滿清光緒二十三年西歷一八九七年）秋七月，由歐經華再至橫濱，以次設立長崎、神戶、馬關興中分會。次年秋，康有爲因患滿清變法維新失敗，出亡日本。又次年，倡立所謂保皇會，華僑被其煽動盲從者甚多，總理數其謬妄詞而闢之。康有爲知計不獲售，乃走加拿大，繼續蠱惑其地華僑。保皇會成立，本黨革命運動，常被其阻礙。

紀元前十二年（滿清光緒二十六年西歷一九〇〇年）北京義和團事起，八國聯軍向北京進攻，總理以爲時機可乘。又長江各省與閩粵各會黨首領，開大會於香港，決定加入興中會。總理乃命鄭士良於八月起義廣東惠州三州田。自往台灣，向台灣日本總督兒玉接洽援助，鄭士良旋攻佔新安、大鵬、平海一帶，大捷於永湖，沿海地方多入革命軍之手。聲勢壯甚，民衆壺漿載道，從者萬餘人。乃日本內閣更換，新閣伊藤博文反對協助中國革命，禁台督不許與中國革命黨接洽，並禁軍火出口。外援斷絕，不得已自行忍痛解散。同時史堅如在廣州城內密謀響應，炸粵督德壽，以牽制清兵，不克，被執就義。是爲第二次革命失敗，總理復往居橫濱。

中國自敗於日本後，列強乘日本欺我之餘，競取我中國之領土租借地，劃分勢力範圍。如德國之於膠州灣，俄國之於旅順、大連，英國之於威海衛、九龍，法國之於廣州灣，或蓋兵營，或建築軍港，或取得鐵路建築權，或取得鑛山開採權；於政治上、經濟上、文化上無不受人侵略，幾淪於次殖民地地位。瓜分大禍，迫於眉睫。於是中國國民排滿革命之思潮，益不可復遏。在日本之中國留學生，尤多倡言革命。紀元前十年（滿清光緒二十八年西歷一九〇二年），總理往來橫濱、東京間，聯絡策動留學生。是多，以參觀河內博覽會，乃離日赴安南。時香港興中會會員謝續泰、李紀堂等謀起義廣州，不成。而上海、漢口等埠及各省創辦新學堂，革命思潮愈加震盪，次年中國學生，紛往

東西洋各國留學，赴日本者尤衆。由是海內外革命思潮，匯成合流。革命書報，到處刊播，攻擊保皇，提倡革命如香港之中國日報，上海之蘇報、國民日報、警鐘日報、中國白話報，言論最爲激烈。又如章炳麟駁康有爲政見書，鄒容之革命軍，敖夢葵所著之原命問答，陳天華所著之猛回頭、警世鐘；尤能使青年知非革命不足以救亡。其他各種小冊，不可勝計。其時浙江秋瑾、章太炎、陶成章與敖夢葵之祖宗教聯合而成立光復會。總理則於是年春爲河內華僑設立興中會分會後，遊歷西貢、暹羅，是秋，由西貢折往日本，經檀香山。紀元前八年（滿清光緒三十年，西歷一九〇四年）由檀赴美，聯絡洪門致公堂。是多黃興以華興會、同仇會謀起義湖南長沙，不成。王漢謀刺清大使鐵良於河南彰德；革命空氣，日趨緊張。

紀元前七年（滿清光緒三十一年西歷一九〇五年），總理由美赴歐。先後於比、德、法京聯絡中國留學生，成立革命團體，即中國同盟會之發端。旋東返日本，留學生傾向革命者益衆。至是革命勢力已自香港、上海導源而浸及中國內地。

第二章 中國同盟會時期

第一節 中國同盟會之成立

留日學生傾向革命者既衆，總理鑒於主張既一致，有聯合各黨、集中力量之必要

。於是以興中會爲中心，將華興會、光復會及其他革命團體之份子聯合，擴大組織。於紀元前七年七月二十日成立中國同盟會於東京，到會者包括中國十七省英俊數百人，舉國父爲總理。其會員宣誓詞爲：

「驅除韃虜，恢復中華，創建民國，平均地權，失信矢忠，有始有卒，有渝此盟，任衆處罰。」

旋迭開會議，發表宣言，規定革命方略，定立中華民國國名。創辦民報，宣佈三民主義。時保皇會提倡君主立憲之說，清廷亦僞編將行憲政，並派員往各國考察，以緩和人，民報著論駁詰之。又指派留學生，設立各省各地中國同盟會分會，秘密入各省內地運動。中國同盟會之宣言要點如下：

「前代革命，祇以驅除光復自任，此外無所轉移。我師今日與前代殊。於驅除韃虜、恢復中華之外，國體民生，尙當變更。雖經緯萬端，要其一貫之精神，則爲自由、平等、博愛。故前代爲英雄革命，今日爲國民革命。所謂國民革命者，一國之人，皆有自由、平等、博愛之精神，即皆負革命之責任。（一）驅除韃虜——義師所指，覆彼政府，還我主權。其滿洲漢軍人等，如來降者，免其罪。（二）恢復中華——中國者，中國人之中國。驅除韃虜之後，敢有爲石敬瑭、吳三桂之所爲者，天下共擊之。（三）建立民國——國民皆平等而有參政權，大總統由國民共舉，